

## И поем стихиры самогласны, оба лика вкупе.

### Глас 1:

**В**ся тварь изменяшеся страхом,/ зрящи Тя на Кресте висима,  
Христе:/ солнце омрачашеся, и земли основания сотрясахуся,/ вся  
сострадаху Создавшему вся.// Волею нас ради претерпевый,  
Господи, слава Тебе.

### Глас 2.

**Стих:** Разделиша ризы Моя себе/ и о одежди Моей меташа жребий.

**Л**юдно злочестивии и беззаконнии/ вскую поучаются тщетным?/  
Вскую Живота всех на смерть осудиша?/ Велие чудо, яко  
Создатель мира в руки беззаконных предается,/ и на древо  
возвышается Человеколюбец,/ да яже во аде узники свободйт  
зовущия:// Долготерпеливе Господи, слава Тебе.

**Стих:** Даша в снесь Мою желчь и в жажду Мою напоиша Мя оцта.

**Д**несь зрящи Тя, Непорочная Дева, на Кресте, Слове, возвышаема,  
рыдаючи матернею утробою, уязвляшеся сердцем горце, и стениши  
болезненно из глубины души, лице со власы терзаючи. Темже и  
перси биючи, взываше жалостно: увы Мне, Божественное Чадо,  
увы Мне, Свете мира: что зашел сей от очию Моею, Агнче Божий?  
Темже воинства безплотных, трепетом содержими бяху,  
глаголюще: Непостижиме Господи, слава Тебе.

**Стих:** Бог же, Царь наш прежде века, содела спасение посреде  
земли.

**Н**а древе видящи висима, Христе, Тебе, всех Зиждителя и Бога,  
безсеменно Рождшая Тя вопияше горько: Сыне Мой, где доброта  
зайде зрака Твоего? Не терплю зрети Тя неправедно распинаема:  
потщися убо, востани, яко да вижу и Аз Твое из мертвых  
тридневное Воскресение.

Слава, глас 8:

**Господи, восходящу Ти на Крест,/ страх и трепет нападе на тварь,/ и земли убо възбранял еси/ поглотити распинающих Тя,/ аду же повелевал еси испустити узники,/ на обновление человеков./ Судие живых и мертвых,/ жизнь пришел еси подати, а не смерть.// Человеколюбче, слава Тебе.**

**И ныне, глас 6:**

**Уже омакается трость изречения/ от судей неправедных,/ Иисус судимъ бывает,/ и осуждается на крест, и страждет тварь,/ на Кресте видящи Господа./ Но естеством телесе, мене ради страждай,// Благий Господи, слава Тебе.**

**Таже Евангелие 12-е, от Матфея, зачало 114: Во утрий день, иже есть по пятце: **Конец:** Знаменавше камень с кустодиєю.**

**Иерей уносит Евангелие в алтарь. Царские врата затворяются.**

**Чтец:** «Благо есть» (единожды). **Трисвятое по «Отче наш».** **Певцы:** тропарь, глас 4-й:

**Искупил ны еси от клятвы закóнныя/ честнóю Твоею Крóвию,/ на Кресте пригвоздився и копием пробóдся, бессмертие источил еси челове́ком,// Спасе наш, сла́ва Тебе.**

**Ектения:** «Помилуй нас, Боже...». **Возглас:** «Яко Милостив и Человеколюбец...». **Певцы:** «Аминь». **Диакон:** «Премудрость». **Певцы:** «Благослови». **Иерей:** «Сый благословен...». **Певцы:** «Аминь», «Утверди, Боже...». **Иерей:** «Пресвятая Богородице, спаси нас». **Певцы:** «Честнейшую Херувим...». **Иерей:** «Слава Тебе, Христе Боже...». **Певцы:** «Слава, и ныне», «Господи, помилуй» (трижды), «Благослови». **Отпуст:** «Иже оплевáния, и биéния, и заушéния, и Крест, и смерть претерпéвый за спасение мира, Христос, Истинный Бог наш, молитвами Пречистыя Своея Матере и всех святых, помилует и спасет нас, яко Благ и Человеколюбец» (святыя храма и дня не поминаются). **Поются многолетны.**

**1-й час к утрени не присоединяется, так как входит в службу часов Великого Пятка.**